

BISERI KAVKAZA AZERBEJDŽAN - GRUZIJA

11.10-18.10. 8 dana / 7 noćenja

Krenite sa nama u nesvakidašnju avanturu, koja objedinjuje ove neobične zemlje u jedno nezaboravno putovanje, avanturu koja se pamti...Ovde je gostoprimstvo pitko kao vino i neprevaziđeno poput kulinarskih specijaliteta. Na ovom mjestu nastale su priče iz antičkih legendi, kao ona o Prometeju, ili o Jasonu i Argonautima, koji su u planinama Kavkaza tražili zlatno runo.

CIJENA ARANŽMANA 3.199 KM

CIJENA ARANŽMANA UKLJUČUJE:

- prevoz avionom Sarajevo - Istanbul- Baku // Tbilisi – Istanbul -Sarajevo sa uključenim taksama (Turkish Airlines/30kg + 8kg)
- transfer aerodrom-hotel u Bakuu – hotel aerodrom- Tbilisi
- vožnja autobusom visoke turističke klase tokom kružne ture
- smještaj u hotelima **4* na bazi noćenje sa doručkom**: 2 noćenja Baku; 1 noćenje Sheki;1 noćenje Tsinandali; 3 noćenja Tbilisi
- svi obilasci i razgledi prema programu uz pratnju profesionalnih licenciranih vodiča na engleskom jeziku
- ulaznice u sve objekte prema programu
- degustacija vina i degustacija konjaka
- ručak u gruzijskoj kući sa degustacijom gruzijskih vina (u mjestu Kvareli)
- zajednička oproštajna večera u tradicionalnom gruzijskom restoranu uz muziku i gruzijski folklor
- boca vode dnevno tokom vožnje
- organizacija putovanja
- pratilac grupe

CIJENA ARANŽMANA NE UKLJUČUJE:

- doplata za jednokrevetnu sobu 550 KM
- doplata za 5 večera 350 KM
- napojnice za vozača i vodiča 40 KM (plaćaju se u agenciji)
- putno-zdravstveno osig. za osobe do 60 godina 20 KM; za osobe do 70 godina 40 KM za osobe do 80 godina 50 KM
- osiguranje od otkaza 110 KM – osigurani iznos 3.199 KM uz obavezni PZO
- ishođenje vize za Azerbejdžan – 70,00 KM

Cijene izražene po osobi u dvokrevetnoj sobi . Kalkulacija rađena na bazi 20 uplata u slučaju manjeg broja prijavljenih cijena se uvećava za 150,00 KM

PROGRAM PUTOVANJA:

1 DAN 11.10. subota SARAJEVO – ISTANBUL – BAKU

Sastanak na aerodromu dva sata prije leta. Podjela dokumenata i prijava na let TK 1022 (Turkish Airlines). Poletanje u 08:55h, slijetanje u Istanbul u 11:55h, po lokalnom vremenu, te nastavak leta na liniji TK 334 u 15:55 h za Baku. Dolazak u Baku u 19:50h, te nakon pasoške i carinske kontrole, transfer do hotela. **Dobrodošli u Azerbejdžan – zemlju vatre**, zemlju bogatu kulturom i gostoljubivošću! Otkrijte čaroliju Bakua, glavnog grada, gde je vijekovima stapanje istoka i zapada stvorilo jedinstvenu atmosferu. Istinski doživite duh ovog grada kroz njegovu raznoliku arhitekturu, obilje kulturnih znamenitosti i nezaboravne gastronomske specijalitete. Neka vaše putovanje bude ispunjeno ljubaznošću stanovnika i čarima azerbejdžanske tradicije. Smještaj u hotel, slobodno vrijeme, noćenje.

II DAN 12.10. nedjelja BAKU

Nakon doručka, krećemo u cjelodnevni obilazak Bakua. Obilazak počinjemo panoramskim razgledom grada što će nam dati uvid u kontraste i širinu grada, koji ima oblik amfiteatra koji se spušta u Kaspijsko jezero. Jedan od najljepših pogleda na grad i Kaspijsko jezero pruža se iz Upland parka, i Plamenih tornjeva. Dalje naš obilazak nastavljamo šetnjom, uz jezero. Imat ćete priliku da vidite moderni Baku, i razumijete zbog čega prijestolnica Azerbejdžana još nosi naziv „**Dubai Kavkaza**“. Prošetaćemo **Primorskim šetalištem** koje se prostire duž obale Kaspijskog jezera, pored jednog od najvećih, novih gradskih parkova na svijetu (Dənizkənarı Milli Park). Šetalište čija je gradnja započeta 1909. godine, u to vrijeme bio je mjesto podizanja ljetnikovaca bogatih barona nafte. Danas je najomiljenije mjesto lokalaca, i posjetilaca. Tokom šetnje, videćemo inovativna, arhitektonska ostvarenja modernog Bakua, kao na primjer „**Malu Veneciju Bakua**“. Smještena duž šetališta, ovaj dio grada nastao je po ugledu na italijansku Veneciju. Osim povezanih kanala Malu Veneciju karakterišu i mostovi, ali i vrlo zanimljive građevine... Nastavljamo obilazak prijestolnice Azerbejdžana, i upoznajemo se sa najvećim atrakcijama ovog modernog grada na obali Kaspijskog jezera. Odlazimo do starog grada ili unutrašnjeg grada „**Ičeri-šehera**“ historijske jezgre Bakua okružene zidinama. Ičeri-šeher čini lavirint uličica sastavljen iz preuređenih karavan-saraja, džamija, prodavnica tepiha, medresa, mauzoleja, skrivenih pasaža i unutrašnjih dvorišta, hamama i ostataka drevnih zoroastrijskih kula. U decembru 2000. godine stari grad, uključujući palatu Shirvanshahs i Djevojačku kulu, postao je prva lokacija u Azerbajdžanu koja je klasificirana kao mjesto svjetske baštine **UNESCO**.

Obilazak nastavljamo posjetom srednjevijekovnoj **Palati Širvanšahova** (Şirvanşahlar Sarayı), arapske dinastije Jazida koji su kasnije primili perzijski uticaj, i koji su ovim prostorima vladali između 9. i 16. vijeka. Vidjećemo dvorište **Divanhan**, sa starim džamijama, minaretima, karavan-sarajima i kupatilima i saznaćemo još o orijentalnoj historiji ovog grada. Posjetićemo čuvenu **Djevojačku kulu (Qız Qalası)** iz 12. vijeka, obavijenu velom misterije i čućemo legende vezane za nju.

Posjetićemo i **muzej tepiha** koji je posvećen umjetnosti tkanja ćilima. Degustiraćemo vino u **Salvanu**. Sama degustacija uključuje i mezu od sireva, mesa, salata, povrća, peciva, voda i 7 vrsta vina i jedne vrste voćne vodke. Povratak u hotel. Noćenje.

III DAN 13.10. ponedjeljak BAKU – SHEKI

Doručak. Nakon doručka odjava iz hotela. Vozimo se prema južnom dijelu gorja Veliki Kavkaz. Na oko 325 km zapadno od Bakua nalazi se grad Šeki (azerski: Şəki). Šeki je do 1968. bio poznat kao **Nuka (Nuxa)**. U Šekiju postoje tragovi velikih naselja koja datiraju još prije više od 2.700 godina. Osnovan je od strane iranskog naroda **Sakâ** koji je lutao od sjeverne strane Crnog mora kroz prolaz Derbend do južnog Kavkaza i od tamo do Male Azije u 7. vijeku p.n.e. Oni su zauzeli dobar dio plodnog zemljišta na Zakavkazju u području zvanom **Sakasena**. Šeki je bio jedan od najvećih gradova albanskih država u 1. vijeku. Tamo se nalazio glavni hram drevnih Kavkaskih Albanaca.

Stariji sjeverni dio grada izgrađen je na planini, dok se njegov južni dio proteže uz dolinu rijeke Gurjana. Po dolasku obići ćemo palatu **Sheki Khans**, jedinstvenu po ljepoti objekta sa dvije priče, sagrađenoj u 18. vijeku bez ijednog eksera. Nastavljamo odlaskom do **Karava-saraj** izgrađenog u obliku brave sa zatvorenim dvorištem, jednim ulaznim vratima koja se zatvaraju u slučaju opasnosti, i pretvara se u neosvojivu tvrđavu. Dalje nastavljamo do sela **Kish**, gdje se nalazi drevna **albanska crkva** uronjena u misteriju i okružena legendama. Prema jednoj takvoj legendi, crkva je sagrađena u 1. vijeku nove ere, što je čini prvim hrišćanskim hramom na svijetu. Iako arheološka istraživanja to tek trebaju potvrditi legenda je i dalje popularna i nastavlja osvajati posjetitelje. Crkva je službeno identificirana kao drevna albanska crkva, ali neki stručnjaci sugeriraju da bi mogla biti i gruzijska crkva iz 12. vijeka. Uprkos različitim stajalištima o nastanku crkve, zagonetna prošlost crkve podjednako privlači zanimanje istraživača i turista.

Godine 2019. historijska jezgra Šekija s **Kanovom palatom** i okruženjem je zaštićena kao **UNESCO** svjetska baština. Nakon obilaska vožnja do hotela. Prijava u hotel, smještaj. Noćenje.

IV DAN 14.10. utorak SHEKI –SIGHNAGHI- VARDISUBANI-TSINANDALI

Doručak. Nakon doručka odjava iz hotela. Putovanje nastavljamo prema graničnom prijelazu Lagodekhi - Gruzija. Nakon prelaska granice nastavljamo prema malenom šarmantnom gradiću **Sighnaghi- poznatom kao gruzijski grad ljubavi** koji je nastao u 18 vijeku.

Ova gradić odlikuju kaldrmisane uske ulice, šarmantne balkonske kućice, drevne gradske zidine i slikoviti pogled na pejzaže Alazanske doline i impresivne vrhove Velikog Kavkaza. Nakon obilaska grada posjetit ćemo gruzijski tradicionalni vinski podrum u selu. Domaćin gaji posebnu ljubav prema vinima, što se ogleda u kvaliteti vina koje on proizvodi. Ovdje ćemo probati najpoznatije, prirodno **vino "Zhghia"** koje se pravi od najrjeđeg i najkvalitetnijeg kahetinskog grožđa (samo 6000 boca godišnje). Treba napomenuti da je ovo vino već poznato i na evropskom tržištu. Nakon degustacije posjetit ćemo lokalnu porodicu, koja proizvodi glinene tegle pod nazivom **"Qvevri"**, u kojima se vijekovima pravilo gruzijsko vino. Nakon obilaska, vožnja do grada Tsinandali. Smještaj u hotel, noćenje.

V DAN 15.10 srijeda TSINANDALI-NEKRESI-KVARELI-TBILISI

Doručak. Nakon doručka vožnja do čuvenog manastirskog kompleksa **Nekresi**. Osnovan je u 6. vijeku i smješten na jednom od najistočnijih obronaka Velikog Kavkaza, samostan je dio historijskog mjesta Nekresi, nekada cvjetajućeg grada kasne antike. **Manastir Nekresi** nalazi se na šumovitom brežuljku poznatom kao Nazvrevi Gora (doslovno "brdo nekadašnjih vinograda") u istočnom dijelu Nekresija. Riječ je o kompleksu zgrada, uključujući trockvenu baziliku **Uznesenja Majke Božje**, kapele-mrtvačnice - obje

datiraju iz 6. vijeka, zatim crkva Arkandela Mihaela sagrađena u 8. ili 9. vijeku, biskupska palata iz 9. vijeka, rektorij iz 12. vijeka, odbrambeni toranj iz 16. vijeka i ostatke spremišta i drugih pomoćnih građevina. Kompleks je upisan na popis nepokretnih spomenika kulture od nacionalnog značaja Gruzije. Nakon obilaska posjetićemo **lokalnu seosku kuću**, uživati u **tradicionalnom gruzijskom ručku** uz autentične okuse svježe ubranih proizvoda domaćina iz njihovog vrta. Sjedite sa lokalnim stanovništvom, podijelite ukusno jelo pripremljeno po porodičnim receptima, to je nevjerovatan trenutak koji ćete pamtiti zauvijek. Iskusite kako živjeti kao Gruzijac i jesti kao Gruzijac! Nakon ručka vožnja do Tbilisija. Smještaj u hotel noćenje.

VI DAN 16.10. četvrtak TBILISI

Nakon doručka krećemo u šetnju starom četvrti grada koja je strukturirana kao terasa, prolazimo uskim ulicama i uživamo u šarenim kućama, šarenim balkonima i prekrasnim uzorcima moderne arhitekture. Šetnja vijugavim uličicama vodi nas do glavnih znamenitosti grada. Naš obilazak započinjemo od crkve **Metekhi** odakle se pruža veličanstven pogled stari Tbilisi.. Crkva Rođenja Djevice Marije – Metekhi, nalazi se u drevnoj historijskoj četvrti Metekhi, na lijevoj obali rijeke Mtkvari, u starom Tbilisiju. Glavno svetište hrama je grob Sv. Šušanika. Nakon crkvenog raskola između Armena i Gruzijaca početkom 7. vijeka, katolikos Kirion je prenio ostatke sveca iz malog grada Tsurtavi u hram Metekhi. Ostaci Svete Kraljice nalaze se u đakonskom mjestu. Poznato je da je kraljica Tamara tijelo Blažene Kraljice oktila pozlaćenom odjećom i odala joj posebnu počast. Ranije je hram imao svoju ikonu Bogorodice isklesanu u 17. vijeku, koja je izgubljena tokom invazije Kizilbaša. Također, prema legendi, stijena Metekhi je trebalo da bude mjesto mučenja Aboa (7. vijek), koji je svetac zaštitnik Tbilisija. Po njegovom imenu u podnožju stijene podignuta je crkvice. Crkva Rođenja Djevice Marije Metekhi jedna je od najstarijih izgrađenih u Tbilisiju. Istraživači potvrđuju da je hram podignut u 6. vijeku. Kralj Vakhtang I Gorgasali je ovdje podigao crkvu, dvorac i palatu, koji su služili i kao kraljeva rezidencija. Hram je simbolizirao hram Djevice Marije u Getsemanskom vrtu u Jerusalimu. Nakon obilaska **slijedi vožnja žičarom...** uživajte u panoramskom pogledu na cijeli grad... po dolasku **slijedi obilazak** jednog od simbola grada. Majka Kartlija "**Majka Gruzije**" je monumentalna statua, simbol gruzijskog nacionalnog karaktera: statua u jednoj ruci drži čašu vina za goste i mač za neprijatelje u drugoj. Asesoari skulpture, čaša sa vinom i mač, izraz su historije grada Tbilisija, beskrajinih borbi sa neprijateljima i odnosa sa gostom koji je došao sa dobrim osećajem.

Statua je postavljena 1958. godine kako bi se obilježila 1500. godišnjica grada. Prema prvobitnoj odluci drveni alegorijski kip bi privremeno krasio prestolnicu, iako je ta odluka kasnije promijenjena. Zbog toga je 1963. godine tekstura drveta prekrivena aluminijumom kako se skulptura ne bi oštetila. Godine 1997. stara statua je zamijenjena novom.. Nudi zadivljujući pogled na svakom koraku, a poseban je užitak noću kada svjetla grada sijaju ispod.

Nakon obilaska nastavljamo prema dijelu grada gdje se nalaze kupolaste sumporne kupke "kupatića" na vrelim izvorima sumpora, smještena su pod zemljom i zaštitni su znak grada i jedna od njegovih najupečatljivijih atrakcija. Svojedobno se u njima kupao i sam A.S. Puškin, koji je ovo mjesto smatrao najboljim od svih koje je ikad posjetio. Kupke, koje podsjećaju na scenografiju filma o Centralnoj Aziji, sakupljene su na jednom mjestu i prekrivene ogromnom kupolom. Najpopularnija su Kraljevsko kupalište i Orbeliani. Individualni povratak u hotel. Noćenje.

VII DAN 17.10. petak TBILISI – JVARI – MTSKHETA – TBILISI

Doručak. Nakon doručka vozimo se prema **Mtskheta** destinaciji koju obožavaju putnici iz cijelog svijeta. Posjetit ćemo i učiti o gradu koji nosi veliko historijsko iskustvo. Gradu u kojem ćemo vidjeti kulturu koja spaja Rimsko, Perzijsko i Bizantsko Carstvo. Prije same Mtskhete ćemo obići samostan **Svetog Križa Jvari** iz 6. vijeka - spomenik koji govori o historiji hrišćanstva u Gruziji, a pogledi iz samostana će vas pozitivno iznenaditi. Dolazimo u Mtskheta koja je nekadašnji glavni grad Gruzije, što govori o njegovoj veličini i važnosti za gruzijski narod. Arhitektura, lokalne tržnice, ručno rađena keramika, autentične boje, pozdravi lokalnog stanovništva i ukusna hrana učinit će da se zaljubite u Mtskhetu. **UNESCO** je Mtskhetu 1973.g uvrstio na svoju listu kao grad-muzej. **Kathedral Svetitskhoveli** iz 11. vijeka ili katedrala Dvanaest apostola – jedna je od najstarijih i najvažnijih crkvi u Gruziji, izvanredan spomenik sakralne arhitekture i najveća sačuvana srednjevjekovna katedrala u zemlji. Pauza za odmor ili ručak. Nakon pauze polazimo u obilazak spomenika **Gruzijske Hronike**, to je savršen način da doživite Tbilisi iz drugačijeg ugla. Kako se spomenik ne reklamira otvoreno, ostaje manje poznata gruzijska atrakcija i kao takva se smatra skrivenim draguljem glavnog grada. Poznat kao historijski memorijal **Gruzije ili gruzijski Stounhendž**, spomenik prikazuje gruzijsku carsku historiju, poznata književna djela i ulogu hrišćanstva u zemlji. Kreirao ga je **Zurab Tsereteli**, poznati gruzijski vajar, slikar i arhitekta koji živi u Moskvi. Iz daljine, njegova sama veličina je često potcijenjena, ali dok se penjete stepenicama, 16 masivnih stubova koji se uzdižu preko 30 metara u visinu počinju da se otvaraju pred vašim očima. Na bronzanim stubovima prikazani su historijski i vjerski događaji i scene iz gruzijskih književnih dijela. Na donjim dijelovima stubova prikazani su značajni događaji u životu Isusa Krista, uključujući Cvjetnicu, Posljednju večeru, Vaskrsenje, Preobraženje, Pedeseticu i Navještenje Marijino. Nasuprot tome, gornji dijelovi prikazuju kraljeve, kraljice, gruzijske heroje i ilustracije najranijeg poznatog gruzijskog hagiografskog dijela, Mučeništvo svete kraljice Šušanik (476–483) od Jakoba Tsurtavelija. Historijski Memorijal Gruzije također sadrži statue mnogih lokalnih heroja, uključujući 13 asirskih očeva koji su širili hrišćanstvo u Gruziji; kraljica Tamara, za vrijeme čije je vladavine Gruzija doživjela Zlatno doba; i Ilia Chavchavadze, koji je inicirao oživljavanje gruzijskog nacionalizma tokom ruske vladavine 19.vijeka. U blizini spomen ulaza nalazi se replika krsta od vinove loze Svete Nine, koja je zaslužna za uvođenje kršćanstva u Gruziju, dok je iza stubova crkva **Navještenja Blažene Djevice Marije**. Nakon obilaska odlazak u **tradicionalni gruzijski restoran**. Uživat ćemo u ukusima nacionalne kuhinje i poznatom gruzijskom folkloru. Povratak u hotel. Noćenje.

VIII DAN 18.10. subota TBILISI – SARAJEVO

Doručak. Nakon doručka odjava iz hotela, i transfer na aerodrom. Prijava na let TK 379, te poletanje u 11:05h. Sletanje u Istanbul u 12:45h, te nastavak leta prema Sarajevu na letu TK1025 u 18:50h. Sletanje na sarajevski aerodrom u 19:45h. KRAJ USLUGE.

Važne napomene:

- Organizator zadržava pravo promjene cijene u slučaju promjene kalkulativnih elemenata od strane avio kompanije.
- Ukoliko se ne ispuni kvota za minimalni broj prijavljenih putnika, agencija zadržava pravo otkaza aranžmana, o čemu je dužna pismeno obavijestiti putnike.
- **STORNIRANJE PUTOVANJA OD STRANE PUTNIKA:** 5% ako se putovanje otkaže od dana potpisa ugovora do 45 dana prije početka putovanja (blagovremeni otkaz)
- 10% za otkaz od 44 do 30 dana prije početka putovanja
- 20% za otkaz od 29 do 20 dana prije početka putovanja
- 40% za otkaz od 19 do 15 dana prije početka putovanja
- 80% za otkaz od 14 do 10 dana prije početka putovanja
- 95% za otkaz od 9 do 6 dana prije početka putovanja
- 100% ako se putovanje otkaže od 5 do 0 dana prije početka putovanja ili kada putovanje već započne, ili u toku putovanja



Turistička agencija Sebastijan

Vidovdanska 2, Banja Luka

PDV br. 400889030006

Lic. Br. RS-AB-051-4400889030006

tel/fax + 387 51 224-030, +387 63 600 229

E-mail: turizam@sebastijan.com